



Vrsta dok.	Izdavač	RB	Rev
NA	05-00	05	3

**PRAVILNIK O IZMJENAMA PRAVILNIKA O DODJELI SPONZORSTVA U
J.P. MEĐUNARODNI AERODROM „SARAJEVO“ D.O.O. SARAJEVO**

Strana:
1 od 2

JAVNO

P R A V I L N I K
O IZMJENAMA PRAVILNIKA O DODJELI SPONZORSTVA
U J.P. MEĐUNARODNI AERODROM „SARAJEVO“ D.O.O. SARAJEVO

Sarajevo, mart 2024. godine



J.P. MEĐUNARODNI AERODROM "SARAJEVO" D.O.O.

Vrsta dok.

ODL

Izdavač

05-01

UPRAVA

Strana: 1 od 1

Broj protokola: 05-1-02-1-7938-7/22

JAVNO

Datum: 25.03.2024. godine

Na osnovu člana 45. tačka 8) podtačka g) Statuta J.P. Međunarodni aerodrom "SARAJEVO" d.o.o. Sarajevo Uprava J.P. Međunarodni aerodrom "SARAJEVO" d.o.o. Sarajevo, na 202. sjednici, održanoj dana 25.03.2024. godine, donijela je

ODLUKU

1. USVAJA SE Pravilnik o izmjenama Pravilnika o dodjeli sponzorstva u J.P. Međunarodni aerodrom „SARAJEVO“ d.o.o. Sarajevo, i to u tekstu koji se daje u prilogu ove Odluke i čini njen sastavni dio.
2. Ova Odluka stupa na snagu danom donošenja.

Obrazloženje

Sektor za administrativnu podršku, u okviru redovnih aktivnosti na reviziji normativnih akata i analize različitih aspekata njihovog provođenja, aktom, broj: 05-1-02-1-7938-6/22 od 22.03.2024. godine, predložio je Upravi J.P. Međunarodni aerodrom „SARAJEVO“ d.o.o. Sarajevo dodatne izmjene Pravilnika o dodjeli sponzorstva u J.P. Međunarodni aerodrom „SARAJEVO“ d.o.o. Sarajevo.

Izmjene se predlažu u čl. 1., 3. i 7. Pravilnika, pri čemu su izmjene u čl. 1. (kojim se propisuje koje se oblasti mogu sponzorirati) i 3. (kojim se propisuje koja pravna lica se mogu prijaviti za sponzorstvo) kvalitativne prirode, dok je izmjena u članu 7. nomo-tehničke, odnosno tehničke prirode.

Naime, procijenjeno je da su dvije značajne oblasti u kojima bi se J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) moglo pojaviti kao sponzor, te ostvariti željene efekte putem sponzoriranja kroz te oblasti, ostale neobuhvaćene navedenim odredbama ili je nedovoljno jasno da li projekti/programi iz tih oblasti i pravna lica organizatori tih projekata/programa, mogu biti predmet sponzoriranja, odnosno korisnici sponzorstva. Radi se o oblastima tzv. sajamske i turističke privrede, odnosno sajamskih i turističkih manifestacija, u kojima evidentno postoji mogućnost kvalitetnog reklamiranja, imajući u vidu iznimno veliku koncentraciju velikog broja učesnika i posjetilaca navedenih manifestacija na jednom mjestu. U takvim okolnostima, ukoliko bi se kroz Pravilnik potpuno jasno i nedvosmisleno propisala mogućnost sponzoriranja ovih manifestacija, Društvo bi moglo ostvariti znatne reklamne efekte.

Što se tiče predložene izmjene u članu 7. Pravilnika ona je, kako smo već naveli, nomo-tehničke, odnosno tehničke prirode. Naime, u Pravilniku je unutar ovog člana naznačena i oznaka stava (1). Međutim, kada se član sastoji od samo jednog stava, kao što je slučaj u ovoj odredbi, onda se ne vrši njegovo posebno označavanje. Osim toga, u navedenoj odredbi postoji pogrešno upućivanje na odredbu člana 6. stav (3) umjesto stav (5), iako je sasvim jasno da je, s obzirom na sadržaj odredaba u čl. 6. i 7., ispravno da u članu 7. postoji upućujuća odredba na stav (5), a ne na stav (3). Evidentno je da se ovdje radi o tehničkoj pogrešci koju je potrebno ispraviti, što je moguće i opravdano uz gore navedene izmjene.

Uprava Društva, postupajući u skladu sa svojim nadležnostima iz člana 45. tačka 8) podtačka g) Statuta Društva, a nakon što je razmotrila dostavljeni prijedlog, te predložene izmjene prihvatila kao opravdane i u interesu Društva, usvojila je Pravilnik o izmjenama Pravilnika o dodjeli sponzorstva u Društvo u predloženom tekstu, pa je na svojoj 202. sjednici, održanoj dana 25.03.2024. godine, donijela Odluku kao u dispozitivu.

DIREKTOR

Afan Bajić

DOSTAVLJENO:

1. Upravi Društva (orig.)
2. Sektoru za administrativnu podršku
 - Služba za komercijalne poslove (orig.)
 - Služba za pravne poslove i protokol (orig.)
3. Ostale osnovne organizacione jedinice
4. Oglasna ploča Društva
5. a/a



**PRAVILNIK O IZMJENAMA PRAVILNIKA O DODJELI SPONZORSTVA U
J.P. MEĐUNARODNI AERODROM „SARAJEVO“ D.O.O. SARAJEVO**

Strana:
2 od 2

JAVNO

Na osnovu člana 45. tačka 8) podtačka g) Statuta J.P. Međunarodni aerodrom „SARAJEVO“ d.o.o. Sarajevo, Uprava J.P. Međunarodni aerodrom „SARAJEVO“ d.o.o. Sarajevo, na 202. sjednici, održanoj dana 25.03.2024. godine, donijela je

**PRAVILNIK
O IZMJENAMA PRAVILNIKA O DODJELI SPONZORSTVA
U J.P. MEĐUNARODNI AERODROM „SARAJEVO“ D.O.O. SARAJEVO**

Član 1.

Pravilnik o dodjeli sponzorstva u J.P. Međunarodni aerodrom „SARAJEVO“ d.o.o. Sarajevo, broj: 05-1-02-1-7938-1/22 od 16.11.2022. godine, sa izmjenama Pravilnika, broj: 05-1-02-1-7938-3/22 od 10.11.2023. godine, i broj: 05-1-02-1-7938-5/22 od 18.03.2024. godine, mijenja se kako slijedi:

Član 1. mijenja se i glasi:

Član 1.

„Pravilnikom o dodjeli sponzorstva u J.P. Međunarodni aerodrom „SARAJEVO“ d.o.o. Sarajevo (u daljem tekstu: Pravilnik) utvrđuju se: uvjeti, kriteriji kao i način ostvarenja prava na dodjelu sponzorstva od strane J.P. Međunarodni aerodrom „SARAJEVO“ d.o.o. Sarajevo (u daljnjem tekstu: Društvo) u oblasti sporta, nauke, obrazovanja, kulture i umjetnosti, socijalne sigurnosti, očuvanja prirode i zdrave životne sredine, te sajamske i turističke oblasti“.

Član 3. mijenja se i glasi:

Član 3.

„U smislu ovog Pravilnika, za dodjelu sponzorstva se mogu prijaviti pravna lica i to: sportski klubovi i savezi, obrazovne i naučne institucije, institucije i ustanove u oblasti kulture, registrovane organizacije civilnog društva (nevladine organizacije, udruženja građana, humanitarne organizacije, društvene organizacije, fondovi i fondacije), te organizatori sajamskih i turističkih manifestacija.“

Član 7. mijenja se i glasi:


Član 7.

„Ukoliko traženo sponzorstvo bude prihvaćeno, tj. nakon donošenja odluke od strane nadležnog organa iz člana 6. stav 5. ovog Pravilnika, Društvo će o tome obavijestiti podnosioca zahtjeva dostavljanjem pisane obavijesti, bilo elektronskim putem ili putem faksa, odnosno pošte.“

Član 2.

Ovaj Pravilnik o izmjenama Pravilnika o dodjeli sponzorstva u J.P. Međunarodni aerodrom „SARAJEVO“ d.o.o. Sarajevo stupa na snagu narednog dana od dana objavljivanja na Oglasnoj ploči J.P. Međunarodni aerodrom „SARAJEVO“ d.o.o. Sarajevo.

Broj: 05-1-02-1-7938-7/16
Sarajevo, 25.03.2024. godine



Pravilnik o izmjenama Pravilnika o dodjeli sponzorstva u J.P. Međunarodni aerodrom „SARAJEVO“ d.o.o. Sarajevo objavljen je na oglasnoj ploči J.P. Međunarodni aerodrom „SARAJEVO“ d.o.o. Sarajevo dana 01.04.2024. godine.

Direktor
Sektora za administrativnu podršku

Nenad Čipović